

NORMAS PARA A ACEPTACIÓN DE RESUMOS.

XX XORNADAS AGAMFEC 2015

Envío de resumos dos traballos: Do 1 de agosto Ata o **10 de outubro de 2015.**

1. Deben ser traballos orixinais. Pódense remitir vía telemática desde a web do congreso no apartado COMUNICACIONES.
2. Os traballos remitidos poderán ser:
 - a. Resultados de Investigación
 - b. Comunicacions de experiencias (organizativa, asistencial, educativo-docente, de intervención comunitaria.)
 - c. Proxectos de investigación
 - d. Casos clínicos de especial interese no ámbito da Atención Primaria
3. O número máximo de autores será:
 - a. Para Comunicacions de Resultados de Investigación, Proxectos de Investigación e Comunicacions de Experiencias: máximo 6 autores.
 - b. Para Comunicacions de Casos clínicos: máximo 3 autores.
4. **NON DEBE INDICARSE A PROCEDENCIA DO ESTUDO** no título, nin no texto do resumo. Deberanse evitar alusións que permitan localizar ás persoas ou ao centro en concreto onde se levou a cabo o estudo (será motivo de rexeitamento por parte do Comité Científico).
5. **Non se admitirán** cadros, figuras, nin gráficos no resumo.
6. En caso de **financiamento externo** debe citarse a procedencia do mesmo. Se se trata dun ensaio clínico hai que citar o CEIC que concedeu a autorización.
7. Para calquera que sexa o tipo de comunicación, os autores deberán decidir:
 - a. Que **tipo de investigación** elixen (resultado de investigación, proxecto de investigación, comunicación de experiencia ou caso clínico).
 - b. O **tipo de presentación** preferida (oral, póster ou indistintamente).
8. Aínda que o autor deba indicar se opta por comunicación oral ou tipo póster, o Comité científico **poderá variar a súa forma definitiva de presentación**, para a mellor organización do congreso, así como incluílo noutras actividades do congreso, mesas, debates, etc., segundo o interese e a liña temática do mesmo.
9. En caso que a **comunicación** resulte **aceptada**, si será necesario que **polo menos un autor se inscriba ao congreso** para poder presentala.
A forma e normas de presentación comunicaranse trala aceptación dos resumos

A estrutura dos diferentes traballos será a seguinte:

NORMAS PARA A ACEPTACIÓN DE RESUMOS.

XX XORNADAS AGAMFEC 2015

RESULTADOS DE INVESTIGACIÓN

As comunicacións de **resultados de investigación** deberán presentar un resumo estruturado (**máximo 300 palabras**) que debe conter os seguintes apartados:

- Obxectivo
- Material e métodos: deseño, ámbito de realización e marco ou nivel de atención sanitaria, criterios de selección, número de suxeitos incluídos, número de suxeitos que responden e abandonos, intervencións (se procede), variables e métodos de avaliación da resposta. Análise estatística, limitacións, aspectos ético-legais.
- Resultados
- Conclusión

EXPERIENCIAS

O grupo de comunicacións sobre **experiencias** ofrece a oportunidade de presentar **experiencias novedosas de tipo organizativo, asistencial, educativo, docente ou de calquera outra esfera** que, pola súa formulación ou polos seus resultados, **poidan ser de especial interese para os asistentes ao congreso**, para o conxunto dos médicos de familia ou da organización sanitaria na que desempeñamos o noso labor. O seu resumo (**máximo 300 palabras**) incluírá os seguintes apartados:

- Obxectivos da experiencia
- Descrición da experiencia
- Conclusións
- Aplicabilidade

PROXECTOS DE INVESTIGACIÓN

O formato para este tipo de comunicacións debe conter os seguintes apartados (**máximo 300 palabras**):

- Obxectivos
- Material e métodos: deseño, lugar de realización e marco ou nivel de atención sanitaria, criterios de selección, número de suxeitos necesarios, muestreo, intervencións, análise estatística, medicións e intervencións, variables que se estudasen, análise estatística proposta, limitacións do estudo.
- Aplicabilidade dos resultados esperados
- Aspectos ético-legais
- Financiamento
- Especificar si é ou non MULTICÉNTRICO

NORMAS PARA A ACEPTACIÓN DE RESUMOS.

XX XORNADAS AGAMFEC 2015

CASOS CLÍNICOS

A comunicación de **casos clínicos** centrarase en pacientes **atendidos fundamentalmente en Atención Primaria** e aos que se realizou un seguemento e estableceuse un diagnóstico, compartido ou non co nivel hospitalario, pero que o labor do Médico de Familia sexa relevante.

Os casos clínicos enviados para a valoración do Comité Científico **poderán referirse ás distintas facetas do traballo do médico de familia**, que van desde a utilización do razonamento clínico, o manexo da incerteza, actuación ante síntomas ou signos de alarma, necesidade de abordaxe biopsicosocial en diferentes contextos, atención lonxitudinal, actividades de prevención e promoción da saúde, comunicación médico-paciente, problemas bioéticos, etc.

En definitiva, **queremos recibir aqueles casos clínicos** que nos vosos centros poidan ser obxecto dunha sesión clínica e cuxa comunicación ao resto de congresistas poida aportar un mellor coñecemento dos nosos pacientes en Atención Primaria e aumentar a nosa capacidade de resolución de problemas de saúde.

O **resumo (máximo 300 palabras)** debe conter os seguintes apartados:

- Ámbito do caso: Atención Primaria, Servizos Urxencias
- Motivos de consulta
- Historia clínica
 - Enfoque individual: Antecedentes persoais, Anamnese, Exploración, Probas complementarias
 - Enfoque familiar e comunitario: Estudo da familia e a comunidade
 - Xuízo clínico, diagnóstico diferencial, identificación de problemas
 - Tratamento, plans de actuación
 - Evolución
- Conclusións (e aplicabilidade para a medicina de familia)

Máis información en: www.agamfec.com